



PAENITENTIARIA APOSTOLICA

Prot. 152/15/I

B E A T I S S I M E P A T E R ,

Robertus Iosephus Cunningham, Episcopus Syracusensis, suas libenter faciens supplices litteras d.nae Marlene Watkins, OFS, Fundatrix et Praesidis publicae Christifidelium consociationis "Our Lady of Lourdes Hospitality North American Volunteers", die XVI Iulii MMII in Syracusensi Dioecesi canonice erectae, Indulgentiarum donum a Sanctitate Tua implorat pro praedictae consociationis sodalibus: ita ipsi, procul dubio, ad proprios spiritales fines attingendos iisque generosius semper inserviendum magis instimulabuntur. Et Deus, etc.

Die I Junii MMXV

PAENITENTIARIA APOSTOLICA, de mandato Ss.mi Patris Francisci, *plenariam* libenter concedit *Indulgenciam*, suetis sub condicionibus (sacramentali confessione, eucharistica communione et oratione ad mentem Summi Pontificis) sodalibus consociationis "Our Lady of Lourdes Hospitality North American Volunteers" vere paenitentibus et caritate compulsis lucrandam:

I.- si emiserint vel renovaverint, saltem privatim, promissionem fideliter servandi propria statuta: **a.**- die inscriptionis in consociationem; **b.**- in Ascensione Domini, titulari sollemnitate; in Annuntiatione Domini (XXV Martii), in Assumptione (XV Augusti) et Immaculatae Beatae Mariae Virginis (VIII Decembris); diebus festis B. Mariae Virginis Lapurdensis (XI Februarii) et S. Mariae Bernardae Soubirous (XVI Aprilis);

II.- si religiose interfuerint Sanctae Missae pro consodalibus pie defunctis, ipso die obitus seu depositionis defuncti (Indulgencia animabus in Purgatorio detentis tantum modo applicabilis). In mortis articulo amplissima valet concessio XII "Enchiridii Indulgentiarum"; quo in casu Ecclesia supplet tres condiciones ad Indulgenciam plenariam de more requisitas; sodalis tamen laudabiliter ad hanc plenariam acquirendam Indulgenciam adhibetur numisma vel signum propriae consociationis, a sacerdote Moderatore in spiritualibus benedictum.

Sodales, corde saltem contrito, *partialem* insuper consequi valebunt *Indulgenciam*: **a.**- quoties testimonium Fidei coram aliis aperte reddiderint in publicis religiosis solennibus aut coetibus (velut processione, pio exercitio, sacra Verbi praedicatione, conventu eucharistico, conventu sodalitatis), quibus ut sodales eiusdem consociationis interfuerint; **b.**- quoties operibus sive misericordiae, sive paenitentiae, sive evangelizationis in propriis Statutis propositis, pie incubuerint.

Praesenti ad septennium valituro. Contrariis quibuslibet non obstantibus.

Maurus Card. Piacenza
MAURUS S. R. E. Card. PIACENZA
Paenitentiarius Maior

Ioannes Maria Gervais
Ioannes Maria Gervais
Ad. a Stud.